



Moderator, Presiden kolej bersama ahli panel di awal dan di akhir sesi *Bicara Nurani*

BERJAYA DUNIA BERJAYA AKHIRAT

Oleh: NOORSHAZIEANA ILIANI HAZLEEN

SERDANG, 28 JAN – Kelab Ikhwan, Sekretariat Kerohanian, Kebajikan dan Keselamatan (3K) Kolej Tun Dr Ismail telah menganjurkan program *Bicara Nurani: Berjaya Dunia, Berjaya Akhirat* di laman Facebook Kolej Tun Dr Ismail dan telah berjaya menarik seramai 600 lebih orang pelajar UPM terutamanya untuk menonton secara langsung pada malam tersebut.

Forum yang dikendalikan oleh Syafiq Yusri sebagai moderator bersama panel jemputan ini telah mendapat sambutan yang amat menggalakkan daripada warga UPM khususnya warga kolej dimana pelbagai soalan yang telah diajukan kepada panel jemputan iaitu Ustaz Dr Mohd Ashraf Suarin yang merupakan penceramah program TV Al-Hijrah.

Ustaz Dr Mohd Ashraf Suarin berkata, untuk kita capai berjaya dunia dan juga berjaya akhirat perlu ingat, yang kita lakukan atas dunia itulah yang akan bentuk bagaimana mati kita dan apabila kita mati, ia bukanlah bermakna penyelesaian kehidupan. Untuk capai sesuatu dan lakukan sesuatu pada hari ini kena ada redha iaitu restu daripada Allah S.W.T.

“Dalam proses belajar perlu diberi tumpuan bukan sahaja keduniaan malahan akhirat juga dengan meletakkan agama yang pertama umpamanya kita berbisnes dengan Allah S.W.T. Tambahan, kita juga meletakkan diri, masa dan harta kita kerana Allah S.W.T dengan itu mudahlah proses belajar meskipun susahnya subjek-subjek yang kita pelajari”, katanya.

Pengarah Bicara Nurani: Berjaya dunia, Berjaya Akhirat yang juga selaku moderator pada malam tersebut mengucapkan ribuan terima kasih kepada Presiden Kolej, Pegawai Pemantau dan panel yang telah menjayakan program tersebut bersama-sama tanpa sebarang permasalahan.

Maka, tercapailah objektif program ini iaitu untuk memberi kesedaran kepada para pelajar tentang pentingnya kefahaman agama dalam mengamalkan kehidupan berlandaskan syariah Islam serta memberi pendedahan kepada pelajar tentang manfaat yang akan mereka peroleh sekiranya mereka berjaya dunia dan akhirat.

Moderator menutup program dengan ucapan terima kasih serta menasihatkan semua untuk *Stay Safe* sepanjang Pandemik Covid-19.